



Протестація пана Шостановскаго противъ кievскаго митрополита П. Могилы и его покоеваго слуги въ томъ, что послѣдній съ „помочниками“ сдѣлалъ въ ночное время нападеніе на домъ Шостановскаго, причемъ подстрѣлилъ „выростна“ Рачновскаго,—а митрополить, когда ему принесена была отъ имени потерпѣвшихъ жалоба, оставилъ ее безъ разсмотрѣнія.

*1643 года, февраля 25.*

*Року тисеча шестъсотъ чотырдесятъ третего месеца феврала двадцатъ пятого дня.*

На вряде кгородскомъ в замку его кор. милости Луцъкомъ передо мною Гавриломъ Корытинъскимъ, буркграбимъ и намѣстникомъ старосѣтва Луцъкого, становъши очевисто урожоный его милость панъ Грегорый Явѣсовичъ Шостаковъскій, именовъ своимъ и именовъ шляхетного Кгабриеля Рачковъскаго выростьтка своего, на смертельной постели лежачого, светъчил и соленитер протестовалъсе противъко яснепревелебному его милости отцу Петрови Могиле, метрополите Кивевъскому, Галицъкому и всее Руси, архиманъдрите Печерскому, также неякомусъ Соломееви Волошинови, слуге покоевому его милости, принципалови нижей выражоного и инымъ компании и помочникомъ его, ему самому по именахъ и прозвискахъ добре ведомому, о то, ижъ кгда протестансъ для некоторыхъ потребъ своихъ тутъ до места Луцъка захавъши, в дому своемъ, в томъ то месте Луцъку за Кглушцемъ будучимъ, zostавалъ, где и превелебный его милость отецъ метрополита Кивевъскій в року теперешнемъ тисеча шестсотъ чотырѣдѣсать третемъ, месеца феврала осьмнадцатого дня, до тогожъ места Луцъка в немалой купе людей прибыти рачилъ, тамъ же менованый Соломей Волошинъ, слуга покоевый его милости, не ведати яковимъ духомъ будучи уведеный, з ыншимъ товариствомъ и помочниками своими нападши на тотъ домъ протестантисъ пляхецъкий, который уже яко подъ часъ ночи замкнений zostавалъ, одны ворота обухати выбивати, а другие през парканъ до двора, з окрыкомъ, галасомъ немалымъ, лжачи и соромотячи, такъ самого протестанта, яко и челяди оного, лезти почали, которого тумулту и квалту дому своего хотечи протестансъ причину ведати, кгда вышей менованого

выростька своего Кгабриеля Рачьковьского пытаючис до них выс-  
даль, теда тотъ то менованый принципаль Соломей Волопинь, место  
даня справы о собе, пропомневши срокгости права посполитого и  
винь в немъ, на таковых кгалтовъниковъ домовъ шляхецьбыхъ вписа-  
ныхъ, того выростька протестантис без даня собе жадное наимнейшое  
причины з луку в самый крыжь з боку левого шкодливие а немилосердне  
пострелилъ, же ажъ желязко въ самой кости в немъ зостати  
мусело, од которого такъ срокгого пострелу вонтпливая, абы живымъ  
зостати моглъ; и такъ тую роботьку зробивъши, домъ протестантьтис  
зокравивъши, есче дальшие отповеди и похвальки на здоровье про-  
тестантьтис учинивши, заледво з тамътоль прочъ одступили ин ре-  
центи. Которого учиньку оных протестантьс урядовне през возного  
и шляхту превелебного в пану Богу его милости отца метрополиты  
Киевьского о учинене з тыхъ виновайцовъ справедливости афекто-  
валь, который не ведати для якое причины оное учинити денекговаль  
и не учинилъ; зачымъ протестансъ слуг его милости в тысячи грив-  
нахъ припоручивши, тепер такъ противко самому его милости отцу  
метрополите Киевскому о неучинене з слугъ своих тое справедливос-  
ти, яко и противко тымъ слугомъ его милости кгвальтовникомъ и  
виоляторомъ дому своего и повторе осветчившисе, а зоставивши собе  
волное учинене иншое шершое, абы была того потреба, поправу тое  
теперешнее протестации, на довод того всего ставилъ возного енера-  
ла шляхетного Себестияна Скоскевича, который ку записаню до  
книгъ ниншныхъ кгородскихъ Луцкихъ возналъ тыми словы, ижь онъ  
року теперешнего тисеча шестсотъ чотырдесять третего месеца фев-  
рала деветнадцатого дня, маючи при собе шляхту, людей добрых, пана  
Михала Критского и пана Миколая Новицького, за приданьемъ мо-  
имъ очевистым урядовнымъ, былъ на справе выжей менованого уро-  
жоного его милости, пана Грегорега Гавсовича Шостаковского тутъ  
в дворку его милости в месте Луцьку за Кглушцемъ будучимъ, тамъ-  
же видилъ и огледалъ ворота и форту обухами столченые, завесы по-  
ламаные, а потомъ виделъ и огледалъ того выростька его милости  
Кгабриеля Рачковьского, на смертельной постели лежачого, у кото-  
рого огледалъ рану барзо шкодливую в крыжу самомъ з боку левого  
з луку постреленую, од которое вонтпливая, абы живымъ зостати  
моглъ; по которомъ огледаню того зраненя, он возный з тоуж шля-  
хтою вышьменованую ходилъ до его милости отца метрополиты Ки-



евъского, которого в монастыре Брацькомъ Луццькомъ, где его милост на тот часъ ночесть свой одправовалъ заставши, реквизиовалъ, абы его милост з тых то слуг своихъ справедливост его милости пану Пшастаковъскому учинилъ, на што его милост отецъ метрополита поведилъ, ижъ я маю иншия мое забавы, зачимъ тое справедливости на тотъ часъ чинити немогу, якожь не учинилъ; теды онъ возный того то Соломея слугу его милости и иншихъ помочниковъ его, его милости отцу метрополите, кгда уже его милост з монастыра и з Луцка в дорогу свою выежджалъ, в тисечи гривен полских, абы его милост до расправы правное, тых виновайцовъ при себе дотримавши, часу права передъ судомъ ставилъ, припоручилъ и арештовалъ, и о томъ тую реляцію свою учинил и зознал. И просилъ протестансъ абы тая его милости протестація и возного реляція до книгъ были принятыя и записаныя; што отрималъ.

*(Изъ родской мушкоу книги, хранящейся въ Кіев. Централ. Архивъ подъ № 2481; л. 249 об. и слѣд.)*

---

## LXVI.

Грамота кіев. митрополита П. Могилы къ православнымъ южно-руссамъ, въ коей указывая на скудость матеріальныхъ средствъ Перемышльскаго братства вслѣдствіе постоянной его борьбы со врагами православія, приглашаетъ къ пожертвованіямъ на предпринимаемое означеннымъ братствомъ возобновленіе Свято-Троицкаго храма.

*1643(?) года, мая 13.*

Петръ Могіла, милостію Божею Архіепископъ Метрополитъ Киевскій Галицкій и всея Россіи, Ексарха Св. Апостолскаго орону Константинопольскаго, Архимандритъ Печерскій Киевскій.

Всѣмъ вовецъ и каждому зособна вшелякои кондиціи, достоинства и поволанія христіанскимъ побожнымъ людемъ, моимъ велце милостивымъ паномъ и въ Духу Святомъ наимилшимъ сыномъ, Архіерейское мое благословеніе препославши, доносимъ до вѣдомости, ижъ благочестивое и Боголюбивое братство Премыское, зостаючи праве при котве святого благочестія, будучи велице горячостію о немъ святою запаленое, отбияють штыхи барзо силуючися для утрапеня своегозу